

थाने निवण करा गंगा माय,
त्रिवेणी थाने अर्ज करा ॥

भगीरथ जन्मया दिलीप रे,
कोई सागर कुल रे माय,
गंगा लावण ने तप कियो जी,
घोर तपस्या रे ताय,
त्रिवेणी थाने निवण कराँ ॥

गंगा प्रसन्न होई भगत पर,
दर्शण दीना आय,
म्हारे वेग ने कूण रोकेला,
जाऊँ रसातल माय,
त्रिवेणी थाने निवण कराँ ॥

भगीरथ शिव री करी तपस्या,
राली झटा रे माय,
धारा फूटी पन्थ बुहारे,
गंगा ने सागर में ले जाय,
त्रिवेणी थाने निवण कराँ ॥

गंगा केयो हरिद्वार सू,
कुम्भ कलश ले जाय,

थारे पुत्रो रो मोक्ष करादू,
ले जाऊ स्वर्गो रे माय,
त्रिवेणी थाने निवण कराँ ॥

भगीरथ केयो गंगा भेज्या,
पितरो ने स्वर्गो माय,
आय गंगा री रात जगावे,
आवागमन मिट जाय,
त्रिवेणी थाने निवण कराँ ॥

थाने निवण करा गंगा माय,
त्रिवेणी थाने अर्ज करा ॥

गायक हर्ष जी माली ।

प्रेषक रामेश्वर लाल पँवार, आकाशवाणी सिंगर ।

9785126052

Source:

<https://www.bharattemples.com/thane-nivan-kara-ganga-maay-triveni-thane-araj-kara/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>